
Politica Caribense

TICO CROES CU 3 LECTURA NA UNIVERSIDAD DI ANTIYAS

O'STAD - Tico Croes, kende banda di ser Parlamentario di Aruba, ta un profesional riba tereno di relacionnan exterior y un persona hopi dedica na analisis di e situacion politico den Caribe y e hemisferio Americano, ta han-yando cada dia mas reconocimiento internacional. E ta hopi den demanda den exterior, pa duna su vision. Esey nos por deduci no unicamente pa e "paperman" cu organisacionnan grandi a pidié pa traha, pero tambe pa su charlanan cu e ta ser solicita den Caribe.

E biaha aki a toca e ho-

ben otro honor, esta pa funhi como docente invita pa e estudiantenan di e facultad social/economico cu ta den nan ultimo anja. Elo tene un total di 3 college, riba 3 Diasabra sigui, cu ta 7-14-21 di Maart. Cada college tin duracion di 3 hora y e tema lo ta "E situacion politico actual den e Region di Caribe".

Tico a termina Colegio Arubano, despues a bai studia na Colombia y a hasi su specialisacion na Merca. Fuera di esey ela training riba varios angulo di relacionnan exterior.